

天花精言目錄

卷二

隱伏發揚論

攻毒涼血論

補氣養血論

氣血偏勝論

夾疹夾沙夾斑論

審機論

畱漿論

倒發論

痘痂論

痘疤論

十日開目無神論

天花精言卷二

隱伏發揚論

痘何以有隱伏發揚乎。毒火悶閉。熱不甚熾。神情昏迷。筋骨強直。爲氣爲血。皆被毒制。不能領載。故蘊藏之火。一任其盤結而遏鬱。熏燥臟腑。煎熬津液。而五內已枯矣。如木之爛。心如菓之腐。仁所謂內潰者也。毒火沸騰。大熱如炮。神情咆哮。脣舌焦黑。爲氣爲血。皆受毒燥。不能管束。故燎原之勢。一任其燔炙而衝突。透骨穿筋。肉腫皮吹。而徧體成泡矣。如刮鱗之魚。

如剥皮之兔。所謂外剥者也。此隱伏發揚之極者也。及早而圖之。其勢不得猖獗。閒有挽回於一二者。若至三日。則毒已定位。而莫可救藥矣。但人知隱伏之痘。若用寒涼。則凝滯於內。而不得發。故清火之劑。槩不敢加。而專力攻破。攻之未能開。而焦黑之狀。其機已露。是內之盤據者難除。而其勢必爲之外燒也。垂首嗟嘆。羣致憾於攻破之不力。又烏知其不能兼清火之妙用乎。大攻大伐。大寒大涼。可以竝用。而參以發表流暢之品。則氣得發。而能透。血得通。而自活。隱

伏者不可散其盤結乎。柰何決死打於一勢。不知隨
手變化。而寒涼之味。避若虎狼哉。人知發揚之痘。若
用攻下。則燔爍於外。而不可解。故攻伐之藥。舉皆從
輕。而專用寒涼。涼之未能清。而胃腹之悶。其脹愈甚。
是外之烘烈者難撲。而其害必爲之內攻也。束手無
措。皆歸咎於清涼之未至。又烏知其不能兼攻毒之
妙用乎。大寒大涼。大攻大伐。可以兼施。而參之以散
解。疏通之劑。則氣鬱開。而熱退。血鬱開。而熱減。發揚
者。不可平其暴燥乎。柰何畏百沸而揚湯。不知竈底

抽薪使攻伐之能投之間散哉。此二條者險證中之大門頭也。一步走得錯則偏執之禍有不可勝言者矣。一著跟不上則猖狂之勢有莫能制服者矣。膽力固期其壯。識見不可不精。有紮硬寨打死仗之手段。而後可以臨大敵。有出奇制勝隨機應變之智謀。而後可以除梟寇。心靈手活。見景生情。是在人之善於領悟耳。

攻毒涼血論

今之治痘者。動云攻毒莫嫌其早。清火貴及其時。株

守其說而不知變通。於是前三日內。涼藥俱不敢用。七八日閒。一味清涼而不用攻伐。眾口一辭。牢不可破。此痘之所以多敗也。夫上吉之痘。無庸論矣。險上之痘。梟毒未至。盤結何必過爲攻伐。稍加清解便可成功。拘於攻毒不嫌其早之說。涼藥一切不用。而攻之必盡其力。攻之太甚。氣血兩被其傷。痘何以起。漿何以行乎。此誤之於其始者也。及七八日閒。一遇燥亂。則云火炎發矣。專用清涼。不言攻伐。又不審痘之形色何如。清之而火不息。轉歸咎於攻之之未盡。而

所謂清火貴及其時者。漫無可據。於是更作攻伐之計。而勢已遲而不能及。嗚呼。兒之死生。只此數日耳。何堪一錯再錯乎。此誤之於其後者也。不知毒與火原非兩端。以其在氣分。則曰攻毒。在血分。則曰涼血。氣血兩分。無結聚之毒。但用涼解。便可平治。則曰清火。氣分何以曰攻。氣爲周身之衛。衛者捍衛之意。內則領毒而出。外則杜邪之入。真氣鼓盪。護衛周身者也。爲毒所侵。則真氣阻困。遏鬱而不能升發。愈結愈固。而生機息矣。攻之者。攻其結聚。使氣得以流暢也。

氣流暢則領毒而出矣。故在氣分則曰攻毒。血分何以曰涼血爲周身之榮。榮者潤和之意。內則滋養臟腑。外則潤澤肌膚。活水流通。灌溉周身者也。爲毒所炙。則活水煎熬乾涸。而不能滋息。愈耗愈竭。而生機枯矣。涼之者。涼其沸騰。使血得以活潤也。血活潤則載毒而出矣。故在血分則曰涼血。至清火之說。有險上之痘。毒勢未嘗盤據。不假攻伐。但用清涼者。槩投以攻伐之劑。則過矣。亦有大攻大破。至六七日。氣得攻而暢。則痘必起。血因涼而轉。則色漸活。其勢蒸蒸。

此氣血發越之象。所謂不熱則不脹。不熱則不漿者也。察其證候。果有或渴或燥之形。爲之散解。清涼而功可成矣。此清火之規則也。如遇此象。卽以爲火炎暴發。恐有火竭灰竭帶火乾收之害。而大寒大涼。遂使氣血之勢不暢。而毒亦不能盡出。有因之而漿勢終止者矣。卽或了草收靨。而紅暈決不能淨。痘之餘毒。尙可言乎。此皆不知清火之妙用。而誤用之者也。若夫帶火乾收。則仍是攻之涼之。未能眞殺其勢。始則悶閉於內。繼而燔爍於外。內潰之兆也。夫豈臨時

之火未清乎。此始終攻伐之痘。而收功甚難者。內之臟腑已虧。氣血不能達於表。而乾枯之形象。乃兆於外也。人每歸咎於清火之不力。又烏知失治於前。而欲以清火挽回於後。豈不誤哉。然則曰攻毒曰涼血曰清火。總之去其毒焉而已矣。何必分若者爲毒。若者爲火乎。或攻毒或涼血。或清火。總之隨其證焉而已矣。何必分始則攻毒。後則清火乎。至於攻之而不令其餒。涼之而不令其凝。清之而不令其寒。予敢爲業此者更進一籌焉。毒勝宜攻。攻而帶發。透於肌表。

氣透而毒得出矣。攻而帶散。舒其鬱結。氣舒而毒得解矣。攻下之藥。濟之以發揚表散。則各分其勢。何至專攻腸胃。使中氣已餒而不覺乎。血熱宜涼。涼而帶破。開其積聚。血行而毒得化矣。涼而帶活。導之流通。血潤而毒得載矣。涼血之劑。參之以和順流暢。則走而不守。何至專用苦寒。使血分已凝而不覺乎。其或有火宜清。審其火在氣分。火在血分。清之而兼散之之法。清之而兼活之之妙。猶慮未漿之先。或凝滯而不行。既漿之後。或溼爛而不靨。吾未之見。苟攻而畏

其餒涼而畏其凝。清而畏其寒。藥不勝證。此則識見未精。膽力未雄之故。而欲借此以爲解免。予又何敢爲之任咎乎。治痘者。或攻。或涼。或清。隨時而察。因證而施。不必論其前後。何須定以日期。攻之。涼之。清之。各善其用。不膠於一。觀外可以知內。治裏可以達表。神而明之。是所望於畱心者。

補氣養血論

痘者毒也。旣云毒矣。攻之猶恐氣爲毒制。而不能暢。而況補之乎。然則溫煖之劑。不益助其虐哉。涼之猶

恐血爲毒瘀而不能活。而況養之乎。然則滋補之藥。不轉增其焰哉。執是說也。而痘之虛證。百無一生矣。亦有疑似之間。見以爲虛證。而惑於毒火之害。則又遲迴畏避。而不敢直用補養。死於治痘者之手。亦復不少。是豈氣血兩虛。竟無毒火乎。而又非也。無毒而痘形何以著。無毒而痘漿何以成。其氣分血分之有。毒。不待辨而自明矣。胡爲攻毒涼血之藥。舉無所施哉。蓋人知以克伐爲攻。不知氣充而毒自透。補之正所以攻之也。人知以苦寒爲涼。不知血足而毒自化。

養之正所以涼之也。夫補之正所以攻之者，何也。頂
輒而陷。皮薄而皺。語重聲輕。體倦神弱。此真氣虛者
也。氣不能達。誰領毒而出乎。苟投以攻伐之劑。則癢
塌而死。所謂陽脫者是也。補之而氣分得充。則真陽
暢發。顆粒起得一分。毒氣透得一分。圓滿充肥。而毒
從此洩矣。中氣怯餒。表裏不固。則人參炙芪可用也。
四肢厥逆。口鼻氣冷。則肉桂附子。又何嘗不可用乎。
而猶慮氣爲毒制乎。所謂補之正所以攻之者。此也。
養之正所以涼之者。何也。顏色嬌嫵。盤暈散緩。身涼

體靜。脣淡面白。此眞血虛者也。血不能運。誰載毒而
出乎。苟投以苦寒之劑。則灰陷而死。所謂陰脫者是
也。養之而血分旣榮。則眞陰灌輸。漿勢上得一分。毒
氣化得一分。根紅頂白。而毒從此解矣。紅活不足。歸
附不厚。則當歸白芍可用也。淡白無光。遲緩不至。則
熟地鹿茸。又何嘗不可用乎。而猶慮血爲毒爍乎。所
謂養之。正所以涼之者。此也。然又有權變之法焉。有
實火。獨無虛火。有眞熱。獨無假熱乎。不知安插之方。
敢云治痘能手哉。氣分宜補。而加以升發之味。則不